

太原府志卷六

城池

古聖人設險守國而城池之制以興曰築曰坏月令於此三致意焉凡以鞏磐石而固金湯耳太原城郭夙稱壯麗故王弇州有言曰太原二十五睥睨輒作一敵樓氣槩莽蒼他郡所不如也倘非天塹崇墉有以捍外而禦內則三坂未浸晉陽一邑幾爲智氏之波臣矣是知保障斯民城池爲重慎固封守有土者所宜留意也志

城池

陽曲縣

附郭

宋太平興國四年太宗平劉氏毀太原古城徙州榆次又三年復遷於唐明鎮卽今會城地此太原城之始也舊

太原府志

卷六

城池

一

偏於西南明洪武九年永平侯謝成因舊城展東南北三面周圍二十四里高三丈五尺外包以甃池深三丈門八東曰宜春曰迎暉南曰迎澤曰承恩西曰阜成曰振武北曰鎮遠曰拱極八門甕城各一由迎澤門至承恩門二里由承恩門至宜春門四里有奇由宜春門至迎暉門二里由迎暉門至拱極門四里有奇由拱極門至鎮遠門二里由鎮遠門至阜成門五里有奇由阜成門至振武門一里半由振武門至迎澤門三里有奇四隅建大樓十二周垣小樓九十東面二十二座南面二十三座西面二十四座北面二十一座以按木火金水之生數敵臺邏室稱之崇墉雉堞甲天下故昔人有錦繡太原之稱也厥後傾圯明嘉靖四十四年巡撫萬恭

重修大城及城樓敵臺萬歷三十五年巡撫李景元又
修崇禎間日以頽壞而規模猶存甲申焚南關城樓以
守闖賊又焚毀東南角樓

國朝順治七年巡撫劉宏遇建甌樓以補之十七年巡撫
白如梅重修大小樓嗣是隨時補葺及巡撫噶禮念修
葺之艱而所費之不貲也存城門大樓八座南甕城大
樓一座四面小樓各一角樓四座滿兵四舖綠旗兵二
十舖敵臺二十六座雍正八年巡撫覺羅石麟加築滿
兵十二舖今計東面滿兵三舖綠旗兵五舖敵臺六座
自東南角至第一舖滿兵房七十丈又至第二舖綠旗
兵房六十五丈第三舖綠旗兵房七十五丈第四舖滿
兵房一百七丈第五舖綠旗兵房五十二丈第六舖綠

旗兵房九十五丈七尺第七舖滿兵房一百五十四丈
第八舖綠旗兵房七十九丈第八舖至東北角七十四
丈共袤八百四丈有奇北面滿兵三舖綠旗兵五舖敵
臺六座自東北角至第一舖綠旗兵房七十丈又至第
二舖滿兵房一百三十丈第三舖綠旗兵房一百五十
丈第四舖滿兵房五十二丈第五舖綠旗兵房五十五
丈第六舖綠旗兵房一百二十五丈第七舖滿兵房八
十五丈第八舖綠旗兵房六十五丈至西北角七十五
丈共袤八百丈又西面滿兵三舖綠旗兵五舖敵臺七
座自西北角至第一舖綠旗兵房七十丈又第二舖滿
兵房六十五丈第三舖綠旗兵房七十五丈第四舖綠
旗兵房一百七丈第五舖滿兵房五十二丈第六舖綠

旗兵房九十五丈七尺第七舖綠旗兵房一百五十四丈第八舖滿兵房七十九丈至西南角七十四丈共袤八百七十六丈有奇南面滿兵三舖綠旗兵五舖敵臺七座自西南角至第一舖滿兵房七十丈又第二舖綠旗兵房一百三十丈第三舖綠旗兵房一百五十丈第四舖滿兵房五十二丈第五舖綠旗兵房五十二丈第六舖綠旗兵房一百二十五丈第七舖綠旗兵房八十五丈第八舖滿兵房六十五丈至東南角七十五丈共袤八百四丈崇墉巍雉堅踰鐵甕爰以拱衛

神京而稱海內雄藩焉 南關城明景泰初巡撫朱鑑築周圍五里七十二步高二丈五尺女牆高五尺堞口一千七百三十六大樓五座角樓四座敵臺三十八座門

太原府志

卷六

城池

三

五東居其二嘉靖十九年布政司吳瀚重修四十四年巡撫萬恭甄包兼築連城後爲闖賊僞總兵陳永福拆毀

國朝順治十七年巡撫白如梅修築東西牆接大城今存木橋門城樓一座 北關城周圍二里高二丈四尺門一梁口六百五十角樓四座明季亦經賊毀

國朝巡撫白如梅補葺

新堡

明嘉靖四十四年巡撫萬恭築居新營士卒

滿州城

在府城內西南隅南至城根北至西米市東至大街西至城根南北二百六十丈東西一百六十一丈七尺周圍

共八百四十三丈四尺東門二北正藍旗南鑲藍旗北門一順治六年巡撫祝世昌巡按趙班璽布政司孫茂蘭按察司張儒秀知府曹時舉知縣劉光漢奉旨建

太原縣

卽晉陽南關基明洪武八年改爲太原縣景泰元年知縣劉敏因舊基始築城周七里高三丈壕深一丈門四東曰觀瀾南曰進賢西曰望翠北曰奉宣正德七年邑人少師王恭襄瓊始倡知縣白晟重修上各建城樓角樓十二年瓊又倡督知縣梅寧崇廣之十四年復倡知縣吳方作埤以輒其崇六尺廣五丈嘉靖二十一年知縣曹來宴倡議增修邑人王朝立高汝行等贊其事卑者高之薄者厚之共高三丈五尺厚二丈濶三丈後又增築敵臺三十二座汝行爲之記隆慶二年知縣王世業增城一丈萬歷十六年知縣陳增美於舊壕外加築女牆牆外復濬濠闊十丈深三丈崇禎末知縣朱萬欽加修

太原府志

卷六

城池

四

國朝順治五年知縣郜煥元繼修康熙十七年北城毀知縣孫閔達重修二十年西城毀孫閔達復修四十七年知縣胡鳳翥又修十五丈有奇濬壕植柳屹然稱保障焉

榆次縣

隋開皇二年建明景泰元年修周五里高三丈池濶與高等深半之舊有四門因寇至塞其西以而遂廢成化十

九年知縣趙縉增築之二十三年知縣梁琮始鐵其門
內外甃以磚石嘉靖二十年有警叅政王儀檄知縣李
鵬重修致仕知府寇天與董其事增高五尺廣一尺撤
土埤悉易以磚增置敵臺二十角樓四警舖十有六壕
外復列垣爲蔽二十五年城南樓燬于火知縣俞鸞重
修新其三門東曰迎曦南曰觀瀾北曰望嶽隆慶元年
知縣董三遷四面悉甃以磚增敵臺十有六警舖十有
二三門各建大樓而西門仍塞萬歷三十二年知縣史
記事創闢西門知縣王應楫繼成之甕城二樓與三門
等題其門曰帶汾樓曰夕餞復捐金易民宅爲通衢至
今便之應楫自爲記天啓癸亥知縣胡權加修給事中
張國儒記崇禎七年知縣任濬周圍鑿池數仞十三年

知縣韓如愈重修各門城樓

國朝順治六年城東樓燬於火知縣楊三知補之御史張
養記康熙二十二年雨圯東城知縣劉星加修康熙四
十年知縣王奕宣修東關甕城六丈南關城牆堦口四
十丈雍正六年縣令鄒雙修城樓角樓十一年知縣石
鑑修南關乾隆十三年知縣錢之青修關城西垣十二
丈有奇十四年又修西城壞牆四丈餘 南關有土城
周五百四十七丈高一丈九尺廣一丈二尺池闊二丈
深丈餘上置樓櫓雉堞明嘉靖二十一年知縣李鵬主
簿梁柱刱建土城三面與大城聯絡足資保障萬歷二
十一年知縣徐守謙恐土城易圯請於督撫蕭大亨悉
易以磚二十五年知縣張鶴騰繼修工始竣周廣六百

五十三丈高三丈三尺基闊二丈五尺頂闊一丈八尺
置敵樓一十有二高與城等池外列垣高五尺爲門三
各建樓於上題其南曰萬春左曰東作右曰西成

太谷縣

舊城在今治之東二十里許北周建德四年西遷卽今縣
治也始築土城周一十二里高一丈八尺池闊一丈深
五尺南面泥淤景泰元年知縣劉鐸增修之正德六年
流寇入城太原同知張冕署邑事益加增築高二丈五
尺四門悉以甃甃上建重樓各四楹扁其東曰長樂南
曰永康西曰登豐北曰拱辰知縣陳繼昌於四隅各建
角樓嘉靖二十年亂兵入境城復頽圯縣丞王璋主簿
安恩創甃城於東北設重門於西南知縣趙紳益築敵

太原府志

卷六

城池

六

臺六座各構樓於上井深濬城濠二十六年署印主簿
趙鶚復增置四面敵臺隆慶元年石州破寇薄城下兵
退知縣祁旦增修南門加甃城改其扁東曰賓陽南曰
麗正西仍曰登豐北曰眺燕萬歷四年冀寧道劉漢儒
詣縣相度請於巡撫鄭洛奏諸朝命知縣賈西土董其
事甃以甃石城基壘石高五尺許自基至堞頂高三丈
七尺六寸基闊四丈二尺敵樓城樓俱加修飾添設警
舖五十六座城上馬道俱用磚砌闊視其城經始於乙
亥三月閱一年乃觀厥成西土爲之記崇禎十五年知
縣何景雲於四門外各建敵樓一座旋廢

國朝順治六年賊姜瓖砲燬東城半面知縣戴可進重修
嗣後環邑被水漸成巨浸十一年知縣郝應第於西北

隅開水門以洩之乾隆二十六年夏潦南城傾圮知縣高繼允捐修完固二十八年於四門深壕重加疏濬自是城中無積潦之患

祁縣

後魏并州別駕分瓚建周四里三十步高二丈五尺厚一丈八尺池深一丈明景泰元年知縣王章重修嘉靖間知縣岳魯增築署印太原衛經歷莊科加高厚各五尺許創築東南北月城三座幫修敵臺三十座萬歷五年知縣王牧始用甃甃圍廣如舊高厚又增之計高三丈三尺八年知縣張應舉撤東南二門加建層閣月城警鋪濬壕四面各深一丈濶三尺內牆一道高六尺外堤一道高七尺濶一丈扁其門東曰瞻鳳南曰凭麓西曰挹汾北曰拱辰

太原府志

卷六

城池

七

徐溝縣

金大定三十八年設縣建城周五里十步高二丈池深九尺明宣德八年金水河夜漲從東門湧入城圯惟北門尚存景泰三年知縣李惟新修葺如舊嘉靖十三年知縣王懷禮重修益增高厚并濬深壕二十三年女牆圯適有邊警知縣周誥易以磚又創角樓四座四十二年知縣王邦憲增敵臺上小亭隆慶元年知縣鍾爵加建

東西南甕城萬歷元年知縣劉選創築城外堤堰以防
水患自社稷壇起至南壇止五年知縣吳三省奉文甃
甃全城令太原榆次太谷清源四縣協濟磚灰基用石
壘自基至堞頂高四丈餘底厚三丈上厚一丈五尺周
一千一百五十三丈至七年秋竣工城上俱用磚砌內
外俱有馬道水道舊惟南門有樓八年知縣金一鳳於
四門加建于彥英繼成之三十二年五月嶮峪河漲水
衝南關堤深丈餘知縣柳捷芳修堤百餘丈以遏之三
十九年知縣王敷學改南門向增置北門甕圈

國朝康熙九年知縣趙良璧修四門城樓扁其東曰懋勤
東作南曰薰風解愠西曰碩望西城北曰晉陽鎖鑰又
於北關門上建魏閣以鎮濬池瀦水建橋梁四座二十

太原府志

卷六 城池

八

五年

朝命發帑修城知縣陳義暉修南城三十六年署邑事太
谷令包秉奎重修後三河數漲復壞東城六十八丈有
奇四十九年知縣王嘉謨增修 北關城嘉靖間布政
司章 從民請命署縣事宗文喜督築高汝行記

附

清源鄉城

即舊清源縣也乾隆二十八年併入徐溝縣今遂改爲清源鄉焉

隋開皇十六年因梗陽故城築明景泰二年修周六里二
百步高一丈八尺厚一丈基倍之壕深一丈二尺濶一
丈五尺南西北三門上建戍樓周以女牆宏治二年知
縣吳顯宗創開東門十四年七月因汾河水漲復塞嘉
靖間知縣于資曾光盧賓彥李景先縣丞樊自新先後
增築高至四丈厚至三丈萬歷十九年知縣邵蒞增修

以南面城垣頽下與關城連接勢如梯階難以防守高築南關城堡周二里二百四十八步并於東西聯接北城之處高建敵樓各一座重關東城門上置戍樓內填洿池外建關廂以資守險仍于城墻下挑濬城壕深濶修築白石堰以防山水之衝經始於二月竣于八月邵蒞自爲記崇禎十四年知縣岳維徵增修甃包一百一十餘丈十六年知縣鄭經復甃包一百丈自西門迤北至北門止以闖寇中輟

國朝順治十七年知縣和羹加飾 南關城北連縣城袤四百九十三丈

交城縣

唐天授二年長史王及善建徙縣治土城周五里餘九十

太原府志

卷六

城池

九

步高一丈五尺池深八尺東南北三門上建櫓堞至元末院判王浩重修明洪武三年知縣王允恭景泰元年典史邵琮增修嘉靖二十一年檢校前御史舒鵬翼督同署縣知事姬宗岐增高五尺引禮覃世家義修城北一樓二十六年知縣鄭鎬增高一丈厚五尺益置敵樓三十四各冠以警鋪池濶與高等深半之創闢西門爲月城爲重門上各建樓櫓三十八年知縣宋璫撤土陴悉易以甃計千有五百增修樓櫓門各題石東曰據晉南曰帶汾西曰搯泰北曰枕山隆慶四年冀寧道沈人种飭令所屬增築城垣知縣韓廷用董其事周圍增厚各樓廢壞者修飾之東榜曰永康南榜曰人和北城高其基而易之以廳西則仍舊四角各冠以樓樓各十二

楹女墻一道石壘三尺鑿池深廣各三丈外列垣爲蔽
邑人劉體仁記萬歷間知縣張文璧周壁先後加修崇
禎十三年知縣薛國柱甃甃全城增高丈餘

國朝康熙九年知縣趙 修四門城樓懸額於上東曰
飲光南曰麗景西曰來爽北曰擷翠規模較宏遠焉
縣東南各有關袤二里有墻塹

文水縣

宋元豐八年縣令薛昌建土城周九里一十八步高三丈
二尺厚如之池深七尺明景泰初守道魏琳增高四尺
天順二年知縣范瑄建門樓四角嘉靖二十年巡道郭
春震檄祁縣丞李爵重修加高四尺建敵臺十有六二
十一年知縣王一民修東西二門城外列垣爲蔽二十

太原府志

卷六

城池

十

三年知縣張源澄增修敵臺四十有八二十九年知縣
樊從簡幫築西面加高三尺厚一丈二尺隆慶元年俺
答犯境縣丞趙禧繕修城郭疏濬壕塹爲禦守計敵乃
不敢薄城下邑令劉宏化記萬歷五年知縣郭宗賢縣
丞韓登甃以甃石圍廣如舊高厚加增計城高四丈五
尺基厚四丈頂厚二丈五尺重門四東扁曰瞻泰表曰
韓陽南曰迎薰表曰帶汾西曰靖陲表曰環岫北曰望
恒表曰拱辰門隅各建高樓二增敵樓六十有四壕深
三丈濶四丈增修外墻計高七丈天啟四年知縣米世
發加修

國朝順治十二年知縣劉乃桂補修北面雉堞十餘丈各
門樓懸扁東曰汾水環流南曰南風薰阜西曰商峰疊

翠北曰北拱紫垣十八年雨壞東南角樓知縣王家柱修之并補修雉堞十餘丈康熙十一年南門外浮橋水衝城址知縣傅星重修 南關土城周圍三里七分 岢嵐州

唐建平城宋元豐八年知州事賀紹慶展東南隅四里大觀初知州王喆鑿池明洪武七年衛指揮張興增修甃以甃石周六里二百七十八步高三丈八尺池濶五丈深二丈五尺門四東曰宜陽南曰文明西曰豐城北曰戡寧嘉靖三十一年兵備副使吳嶽重修隆慶元年衛守備劉承嗣加修崇禎三年守備聶德元修繕城垣疏濬壕塹流賊不克而去

太原府志

卷六

城池

十一

櫓堞以資防守焉 東關附城俗名甃堡 嵐縣

隋大業十年建周六里四步宋紹聖中知嵐州事王舜臣於故城南改築新城周四里高一丈五尺壕深一丈關東南北三門有郭孚新城記明正統十三年知縣郝鳳增高五尺嘉靖十一年知縣吳璋修水門於城東南隅二十年知縣張崇德增築城高三丈濠深二丈三十五年兵備道葛縉檄知縣李鎔加修城高三丈六尺基厚五丈頂厚基三之一女牆高六尺建舒嘯樓三十六座敵臺八座壕深濶俱二丈尚書張珩記隆慶四年知縣李用賓甃砌女牆建城樓三座東曰迎曦南曰永康北曰保安潘雲祥記萬歷元年知縣高汝載增修邸錦記

五年巡撫高文薦兵備道蕭大亨請於朝命甃以磚石
知縣張繼勳董其事經始於戊寅之夏至壬午工竣袤
一千九十丈有奇高四丈厚得三之二邸世德記崇禎
九年知縣郝錦繼修

興縣

明初改興州爲縣未有城池景泰元年始築土城周二里
三百二十步高二丈五尺壕深八尺門三東曰召和南
曰文明西曰阜安嘉靖十八年知縣張雲始用甃甃工
未竣嘉靖二十五年知縣羅璉新闢北門題曰利澤三
十一年知縣王達詳請甃砌全城兵備副使葛縉檄太
原經歷張雲董其事自乙卯夏起至丙辰冬訖工築敵
臺六座東西南三面皆堅固其北面因山險道可徑通

太原府志

卷六

城池

十二

則以墻截之四十四年知縣馮呈書復修北門隆慶二
年知縣李瑚申允修築凡北山外出者削之內竄者築
之砌以甃石刊雉堞爲官道增敵樓十二角樓八復增
東西南三面城共高四丈厚三丈築甕城建南城樓
國朝康熙四十九年北城壞數丈知縣樂廷芳倡捐重修
雍正八年知縣程雲因四城多圯復捐資鳩工補修